

سروش

والله يهدي من يشاء الى صراط مستقيم ديني ، علمي ، ادبي ، سياسي هفته لقي بمجموعة اسلاميه در

اتبعون اهدكم سبيل الرشاد

مناصب و مدير مسئول : ح . اشرف اديب

جلد ۱-۸

۶ جمادی الاخر ۱۳۳۰ پنجشنبه ۱۰ مایس ۱۳۲۸

عدد ۱۲-۱۹۴

مثلاً نظیر نقض المحررات المذكورات آنف لامحالة والتقطنا هذه المقولات الشافيات من عيون الفاظ متن الملتقى لما علمناها مدموعة بتلك الاشعارات فان مؤلفه مع جازة لفظه لم يدع شيئاً من المهمات ولما صار لنا علم بالاستجواب والجواب من يونس افندي المبرز لذلك الخطاب وبعد حضر انكم مطنبون بما عسى ولعل يزيد في البين ما هو ذكرى وحسن مأب اردنا التبرك بلحاظ عيونكم بتبرك هذه السطور لو وضعت في خير المنظور

مفتی قضاء ساور

احمد حلمی

فَلْتَنَفَّسْ

مصاحبه

ایک کئی آرہ سندنہ مناسبت حاصل اولہ بیلک ایچون فکرلرک توافقی شرط اعظمدر. فکرلر توافقی ایتمکجه شخصین بیندہ مناسبت حصولی ممکن دکار. ہمد موافق بولمق خصوصندہ کی صعوبتک منشائی دہ بوشریطہ موانستک قولای قولای الدہ ایدیلہ مہ مسیدر. فصلسہ بز بوکا موفق اولمش، کندیمزہ بریار موافق بولمش ایدک. صحبت لطیفہ سی ہم ایچون روحانی برغدا تشکیل ایدن رفیقمدہ برمدندبری بلدی برمرض حالئی آلان «بولتیقہ» خستہ لغنہ طوتولمغہ براستعداد کوردیکمدن بومرض الیمک سرایتندن محافظہ نفسہ مدار اولہ جق بعض تدابیر واقعہ یہ توسل ایتمسنی کندیسینہ خالصانہ اخطار ایلش ایدم. اخطارمی دیکلہ مدی؛ کانون مرض اولان محللرہ تقریدہ اصرار ایتدی؛ نہایت اولانجہ شدیلہ بومرض مدہشہ طوتولدی. مرضک دور تقریحی رفیقکمک احوال عمومہ سنجہ برفوق العادہ لک کوسترمیدسہدہ بحران دورلری جدآ بنی اندیشہ یہ دوچار ایتدی. سرائی، میقروب واسطہ سیلہ دکل - اسنہ مہ کی - علاقہ طریقہ اولمسینہ نظرآ جسمانیدن زیادہ روحانی دیمک اولان بودرد مزعجک اندفاعی ایچون رفیقکمک جملہ عصیبہ سی اوزرنندہ حسن تاثیر اجرا ایدہ جک بعض تلقیناتدہ بولمق ایستہدم؛ مع التأسف هیچ تأثیری اولمدی. حتی بوتلقینات، معکوس نتیجہ لر ویردی. یعنی رفیقم وصایای دوستانہ مدن ممنون اولمق شویلہ طورسون اوج بش آیدنبری بنملہ بسبتون قطع مناسبت ایتدی. اعادہ مناسبت خصوصندہ اصرارک فائدہ یی دکل، بالعکس مضرتی موجب اولہ جفی بیلدیکمدن بن دہ کندیسینی اراماز اولدم. کچن کون بردہ باقدم کہ بزم رفیق محترم حقیقہ کلدی وماسبقدن ندامتی معلن برطور شطارتلہ جبر خاطر طریقہ سلوک ایدہ رک کورک فہقہ لرلہ قاریشیق، یالیزلی جملہ لر صرف ایتمک، طبعہ کشایش ویرہ جک

لطیفہ لر سولیکہ باشلادی. بن دہ مقابلہ دہ قصور ایتمدم. فقط بیچارہ نک شخصیت مادہ سندنہ کوردیکم عظیم برتبدل جدآ نظر دقیمی جلب ایلکدن خالی قالمیور ایدی. «الظاهر عنوان الباطن» قاعدہ سنک بک آز تخلف ایتدیکنہ، یاخود هیچ تخلف ایتدیکنہ بناء رفیقہ بک شخصیت مغنویہ سندنہدہ برتحول وقوعنہ حکمدہ تردد ایتمدم. لکن کندیسینی اندیشہ یہ دہ شورمدک ایچون اصلاً بوتبدلک اسباب موجبہ سنی صورمدم؛ ذاتاً کندی کندینہ میدانہ چیقاجق برشیدہ استقصا عبثدر. رفیقم غایت جوال برذکایہ مالک اولدیفندن ادبیاتی سور، فلسفہ دن لذت آلیر، ہلہ مباحثات دنیہ دہ علی الاکثر افراطہ واریر. فقط قالدیرم سیاستہ قطعاً تمایل ایتز ایدی. برزمان بالخاصہ شعرہ زیادہ جہ برانہماک کوسترمیش ایدی. نظم اشعارہ اولان استعدادنی ہوسندن دون بولدیفندن برکون کندیسینہ شویلہ اخطاردہ بولمش ایدم: برادر نیچون دہانا فاع شیلرلہ اشتغال ایتمیورسک؟ بعض شیلر واردر کہ «علی العادہ» سی صاحبی ایچون هیچ بر مزیت تأمین ایتز: انلردن بری، بلکہ برنجیدی دہ شعردر. انسان شاعر اولمق ایچون مطلقاً شاعر طوغمہ ایدر. فطرتک بویلہ مستثنی برلطفنہ مظہر اولمیانلر سوق ہوسلہ جبر طبیعت وادیسینہ سلوک ایدرک شعر نامنہ بعض اثرلر وجودہ کتیرہ بیلرلر ایسہدہ اثرلرینک قیمتی محدود، ہلہ عمرلری بک آردر. شعر وادیسینی ہر کسک بر کرہ باش اوردینی بر وادیدر. برعکس العمل اکثریا اووادی یہ سلوک ایدنلری رجعتہ مجبور ایدر. شعرك اعلاسی برشی، علی العادہ سی ہیچدر. علی العادہ شعر سولینلر اک شایان مرحمت آدملردر. ہم سنک کی اذکیای امتک کافہ سی شعرہ ہوس ایدہ جک اولورسہ اورتہدہ یالکز بر موضوع قالیرکہ اوودہ قحطرجال یوزندن وطنک مستقبلأ اوغرایہ جفی بلیہ مدہشہ مضمونیدر معاذاللہ ارتق اوشاعرلر اوزمان بول بول مرثیہ سولاسونلر! رفیقم بواخطارمک کندیسینی ایچون تضمن ایتدیکی خیری تسلیم ایلہ برابرینہ بیلدیکمدن شامادی. بن دہ بک ایلرینہ کیتمدم. برآراق مباحث دینیہ یی تعمیق فکرندن صرف نظر ایتسی ایچون دہ کندیسینہ بعض وصایا بولمش ایدم. اوجہت ہم معادہ تعلق ایدر، اندن اصلاً فراغت ایدہم، دیدی. بوندن طولای اڑہ صرہ بینمزدہ دینی مسائلہ دائر بعض مباحثات جریان ایدر ایدی. واقعاً بولتیقہ خستہ لنی بونلرک کافہ سنی اونوتدیرمش ایدی. فقط بواونوتقمق موقت ایدی. زیرا اوکون بینمزدہ براز افاتی صحبت جریان ایتدکدن صکرہ رفیقم جدی برطور ایلہ شوسوزلری سولیدی: برادر سن بک ایی بیلیرسک کہ بن دینسز اولمديگم کی، دینسز لری دہ سوم. چونکہ بتون مزیات انسانہ نک دین ایلہ قیامنہ قائل اولانلردنم. فقط بوکونلردہ احوال مغنویہ مدہ غریب برتبدل مشاہدہ ایدیورم. وجدانمدہ دینہ دائر ایکی مختلف جریان حاصل اولدی. بن بوجریانلردن برینہ عقلی، دیکرینہ حمی دیہ جکم. سبب تسمیہ یی شمدی آکلارسک چونکہ بزم عقل نامنی ویردیکمز قوتلہ دوشوندکجہ دین خصوصندہ بردرلوقناعت کاملہ حاصل ایدہ میورم؛ دہا طوغریسی دینہ ایصینہ میورم.

دیه باشلایان بر تعریفی وارد در . رحمتی خواجه من بوتعریف مناسبتیه
برکون بزه شویله فقره اکلامش ایدی : افلاطون طلبه سینه درس
ویردیکی ائنده انسانی بوصورتله تعریف ایتیش . مشهور « دیوژن » ده
اوکون قبودن افلاطونک تقریرینه قولاق مسافری اولیورمش ،
بوتعریفی ایشیدنجه هان کیدوب برخروس بولمش توکلرینی بولمش ،
ایشته معلمکیزک تعریف ایتدیکی انسان بودر دیه خروسی درسخانه دن
ایجری صالیورمش .

چو جلق بویا ، بوققره یی ایشیدنجه اراده المدن کیتدی ، باشلام
قهقهه ایله کولمکه ، حتی اوقدر کولدم که فس باشمدن دوشدی . اگر
خواجه افندی اوزمانک حکمنجه اک مهم وسائط تعلیمیه دن اولان
اوزونجه بویلی قزلجق دکنکی ایله بوخنده معصومانه ک لذتی قاجیر مامش
اولایدی ، بلکه درسک نهایتنه قدر کوله جک ایدم .

هایدی کل بزده افلاطونک شوتعریفنه نرنظیره بیلم . انسان نه در ؟
اوت ! انسان قوللرندن صرف نظر ایدیه جک اولورسه چنال چکیجه
بکزر برخلوق قدر . باشی ایله بونی اولدجه منتظم بربال قباغی کیدر .
وجودیه باشنده کی قیللر احتمال که دور تکامل حیوانینک بدایتندن
بری طبیعتک اوغراشه انجق بوقدر تمیزیه بیلدیکی قیللرک
بقیه سیدر . جبهه دنیلن مسافه لیجه سطحک التنده ایکی بیضی پنجه
واردر . بو پنجه لرک اورتسندن اشاغی به طوغری برتومسک اینرکه
نهایتی تنفسه و برنوع مایعک سیلاننه مخصوص ایکی دلیکله مجهزدر .
اندن سوکره آغز دینلن بریریق کلیر . بوییریغک ایچنه غدای ازمکه
مخصوص کوچک کوچک کیمک پارچه لری دیزلشدر .

ارککک کوکده سنده وظیفه سی اولیان لزومسز ایکی طومورجنی
اونو تمیلم .

کوکده نک یوقا یکی قسمنده صویایه بکزر ایکی عضو ؛ انلرک
منتهاسنده بش عدد دیگر عضو متفرق واردر . وجودک اشاغی
قسمنده اورت چایده ایکی اودون کی دیگر ایکی عضو ایله بونلرک
نهایتنه مربوط و پارمق نوغندن بش عضو متفرق حاوی برعضودیکر
کوریلیر . خلاصه انسان هیئت مجموعه سی اعتباریه دهاک چوق
تصحیحه محتاج اولان تکامل مسوده لرندن بر مسوده اولوب کیم بیلیر
بیاض ایدیلنجه به قدر دهاک قاج بیک سنه کچه جک در !

— امان برادر صایقلا یورمیسک ؟ یوقسه بنمه اکل نیورمیسک ؟
— خیر ، نه صایقلا یورم ، نه ده سزکله اکل نیورم . انسان ایله
انده کی محاسنه سزک عقل نامی ویردیکی کز قوتله باقیورم . انسانی ،
او قوتک مقتضاسی وجهله تعریف و تصویر ایدیورم . عقلی حسنه
غالب بر مدقق صفتیه انسانده بو صایدیغ شیلردن بشقه نه کی محاسن
کوره بیلیرم ؟ بوتعریفی دهاک انسانک قسم داخلینه تشمیل ایتدم .
اگر تشمیل ایدم ، صهیفه لر طولار ، طاشار ایدی .

ایشته بوتعریف ، انسانی خلقة حائر اولدینی کافه بدایع حسیه دن
تجریده ایله تصویر دیمکدر . انسان ، برده ذاتنده تجلی ایدن محاسن
ذوقیه نی تحلیل واراننه صورتیه ترسیم ایدیلیر . انسانی اویولده تصویر

عقلک حکمنی تعطیل ایله یالکیز حسی دوشوندیکم زمان ده بردرلو
کندیمی دیندن آلامیورم . یعنی دینسز اوله میورم . بویکی قوه
مخالقه نک آراسنده برنقطه استقرار بولق بنم ایچون ممکن دکل .
کور یورسک یا نه مشکل برحال ! بونک سبی نه در ؟ بومش کلمی حل
ایدرسک جدائی بمنون ایدرسک . بوتذبذب بنم حضورمی اخلال
ایدیور .

— مذبذبین بین ذلک لالی هؤلاه و لالی هؤلاه . صدق الله العظیم .
برادر سزک احوال معنویه کزده وقوعه کلن بوتبدل ، سیاسیات ایله
چوقجه اوغراشه کزک جمله عصیه کزه ایراث ایتیش اولدینی
شدتلیجه برتزلزلدن منبعث اولسه کرک .

— جانم سنده چو جق کی سولیورسک . سیاسیات ایله
اشتغالک بو حال ایله نه مناسبتی اوله بیلیر ؟ اوبشقه ، بوبشقه !

— فی الحقیقه اوله ؛ فقط اعصاب برکره متزلزل اولنجه اندن
تولد ایدیه جک حالاتده انتظام منطقی ارانماز . حتی موازنه سی بوزوق
آدملرک افکارنده کوریلن عدم اطرا ددن کنایه اوله رق ؛ صاب
دیرکن صمان دیور ، دیرلر . عفو کزه مغروراً سولیورم موازنه سزکک
منطقه مخصوص قیاساتده ، علی الاکثر مقدمه بشقه ، نتیجه ینه
بشقه در . اشتغالات سیاسیه دن طولانی موازنه سینه خلل کلن برجه
عصیه نک اعراض تزلزلی - سزده کورلایکی وجهله - بعضاً بویله
دینی برشکلده تظاهر ایده بیلیر . براز استراحتله تعب ذهنی به نهایت
ویرر ایسه کز بومشکل کی کندی کندیکزه حل ایدرسکیز .

— اکلشیلان سن بکا دلی نظریه باقیورسک .

— استنفرا ؛ یالکیز سزی تعب ذهنیدن مضطرب کی
کور یورم . نیچون سوزلرمدن اوله معکوس برمعنی چیقار یورسکیز ؟
— بوش لقر دیلری براقده شو بنم عقده خاطر مه برچاره حل بول .
— سزک عقده خاطر کزه چاره حل اولوب اوله میه جغنی بیلیم .

یالکیز یوقاریده : بزم عقل نامی ویردیکی قوت بنی دیندن تبعید ،
حس دیدکمز شی ده دینه تقریب ایدیور دیمش ایدیکیز . بومناسبتله
نفس ناطقه نک شو ایکی قوتی حقنده مساعده کزله بعض ملاحظات
سرد ایده جکم . فقط شو شرط ایله که شاید سولییه جکم سوزلرده کی
منطقده سزک منطقکزه بکزه به جک اولورسه بربرمزک قصورینه
باقیم . سوز ارامزده قالسون . زیرا احوال حاضره بنده ده بوکی
مسائل دقیقه حقنده اعمال فکر ایدیه جک قدرت براقیدی .

— جانم نه بآس وار ؟ غایتی برملاحظه دن عبسارت دکل ؟
طوغری ایسه قبول ، دکلسه رد ایدرم . طوغری اولدیفندن طولانی ده
اصلا سزی مؤاخذه ایتیم . هم یکدیگر مزه قارش اوقدر مشکل پسند
اولورسق اخوت حاضره مزه وداع ایتک لازم کلیر .

یک اعلا ، اوله ایسه بنده بوباده کی مطالعه می بیان ایدیم :
هانی خاطر کزه کلیورمی ؟ برزمان رشیده مکتبلرنده اوقودیالان
معهود « ایساغوجی » رساله سنده انسانک « انه ماش علی قدمیه ... »

ایده بیلیمک ایچون تحلیل بدایعنده اک دقیق محاسن صنعتی کوره بیلیمک
جک دهات صنعتک حسیله متحسین ، انلرک کوزیله مجهز اولمیلیدر .
— بک اعلی بو ایکی تصویر متخالفدن نه حیقار ؟

— بوا یکی تصویر متخالفدن شو حیقار که انسان بر شیئه باقدینی
زمان حس کوزینی تمامیه قاپایوبده یالکز نفوذ نظرندگی اصابت
قطعیسنه قائل اولدینی عقل کوزیله باقه جق اولورسه موجوداتده
تجلی ایدن بدایع ذوقیدن برینی کوره من ، دنیاده هیچ بر شیدن
ذوق بدایع نامنه لذت الاماز . ایشته سزک دینه اولان نظریکزده
اکلاشیلان صرف عقلی بر کوزله اولسه کرک . یالکز او نظر ذوق
صحیح ایمان ایله کوریلیمه جک محاسن دینییه کورمکزه مانع تویدر .
سز یالکز او کوزله باقارسه کز دینی بشقه بر ماهینده کوریرسکزر .
بو کوروشله ده اصلا اوکا ایصینه مازسکر .

عقل دائماً هر درلو محاسندن عاری کی کوردیکی اساسه ناظر ،
حسده او اساسده تجلی ایدن محاسندن متأثردر . محاسن اشیایی کوره
بیلیمک ایچون عقل حسک ، حسده عقلک ناظمی ، متممی اولمیلیدر .
حسه مقرون اولمیان عقل ، اگر تعبیر جائز ایسه ، بر قوه یابسه در .
تمامیه عقله بیکانه اولار حسده جنتک بر نوعیدر . عقل ایله حس دائماً
بر برینی اکمال و اصلاح ایدر و ایتمیلیدر . بونلرک بر برینی اصلاح
واکمالندن صوکره کی تجلیلرینه کمال عقلی یاخود عقل کامل دینیر .
بوعقلک عناصری علی الاطلاق عقل نامی ویریلن قوتله حسندن عبارت
اولدینی حالده علی الانفراد انلرک برینه بکره من حتی کندیسینه اوچنجی
برماهیت دیدیرته جک قدر انلردن (حس عقلدن) تمیز ایدر . بو تمیزله
وجوده کتیره جکی ائارده تمامیه کندیسینی وجوده کتیرن عناصرک
افعال و انارینه مخالف اولور . شوفکریمی ایضاح ایچون سزه بر مثال
کتیره می . کوربورزکه مولد نباتی و حیوانینک مابه الحیاتی اولان صو ،
ایکی حجم مولد الماء ایله بر حجی موالحوضه دن مرکبدر . موالء مواد
نباتی و مواد حیوانیه ایله بر جوق مرکبات کیمیویه نک ترکیبده داخل
اولوب طبیعتده مهم روللر اجرا ایدر . مولد الحوضه ده وظائف
سائر سندن قطع نظر بزده کی شعله حیاتی ایقاد ایدیور . شو حالده
حیاتلرک رکنی دیمکدر . بوا یکی عنصرک یوقاریکی نسبت اوزره امتزاجندن
اوچنجی بر ماده حاصل اولور که اوده بیلدیکمز صودر . صویک
کندیسنه مخصوص بروظیفه سی وارددر که بو وظیفه انی وجوده کتورن
ایکی عنصر ، یعنی موالء الماء ایله مولد الحوضه طرفندن علی الانفراد
ایفا ایدیلیمز . بو وظیفه نی ایفا ایده بیلیمک ایچون اوایکی عنصرک
نسبت معلومه اوزره امتزاجی شرطدر . اگر اوایکی عنصر بو صورتله
امتزاج ایتسه وبالنتیجه ده صو حاصل اولسه ایدی بو کون ساحه ارضی
تزین ایدن ، دوام حیاتی صویه محتاج اولان صنوف نباتات و حیوانانندن
هیچ بری وجوده کله من ایدی . بو بر مثالدر ، تمامیه نمثلک عینی اولمق
لازم کز ؛ انجق یوقاریکی فکرلری بعض مرتبه ایضاح ایدر .

دین مینک محاسن علویه سنی کورمکده سماوی بر ذوقک ، لاهوتی
برحسک نسبت عادلله الهیه اوزره عقله انضمامنه ، عقل ایله امتزاجنه

متوقفدر . بوا یکی عنصرک بو صورتله امتزاجندن اوچنجی بر ماهیت
حاصل اولور که انک وجوده کتیره جکی ائار کندیسینی تشکیل ایدن عقل
محض ایله حس محضک وجوده کتیره جکی ائارده قطعاً بکزه من . ایشته
اصل عقل سلیم رحمانی دیدکلی بودر . یوقسه ردائل ایله آلوده اولان
عقل سخیف نفسانی اهل حق نظرندده عقلدن معدود دکلددر . زیرا
عقل صحیح رحمانینک جمله ائارندن اولان مقدسات وجدانیه نک
(که احبابی نزدنده قیمتی بک بیو کدر) کافه سی او عقل سخیف ایچون
برر قید فاسد وهانیدر ، بر آدمک ایشی یالکز او عقلک تصرفنه
قالیرسه وای انک حاله !

بوعقلک تصرفی انسانه حوصله سوز شاعتلری ، انسانیتله قابل
تألیف اولمیان دانشتلری بر امر طبیعی کی کوستردر . انسان کندیسيله
انا ، اولاد ، قزنداش ، تیزه ، خاله کی محارمی بیننده کی روابط
مقدسه نک هتکننده اصلا بر محذور کورمن . بوعقلک تمامیه حکمفرما
اوله جفی دوره نک حلوانده قلب و وجدانی تزین ایدن مقدساتندن
متولدر قیق ، نازک حسلر برر برر کورله شه جک ؛ جماعات انسانیه نک
معاشرت خصوصنده کویک سوریلرندن فرقی قالمیه جقددر ! او زمان
انسان مقدسات وجدانیه دن تجردی اعتباریه بر اعجوبه خلقت ، بر
مجموعه شاعت و غلظت اوله جقددر . اوله عقله ، اوله انسانیت بر کره
دلرها شمیدن یوز بیک کره لغت اولسون ! اندن تحصیل ایده جک
منافع ولذائذ بر میایون کره یرک دینه کیرسون !

بنم اعتقادمه قالیرسه بویله بر عقلک ذوقنده بر غرابت اولمق
لازمکله جک ، آنک نظرندده پیس ایله تمیز مساوی اوله جق . چونکه
ایکسینک عناصری بیننده هیچ بر فرق کیمبوی یوقدر . آزوت
هر یرده آزوت ، قاربون هر یرده قاربوندر . شو حاله نظراً پیسلک
ایله تمیزلک عناصر بیننده کی امتزاجات کیمیویه ایله عناصرک مقادیر
نسبیلرندگی اختلافاتندن منبعث تقدیرات و همیه دن بشقه برشی دکلددر .
عقل . فی اثبات و قبول ایتدکدن صکره ذوقک رد ایتکه اصلا حق
یوق دیمکدر .

— برادر خاطرک قالمه سون اما دمندنبری اما ماطه ، اما سفسه
صرف ایتدک !

— حقک زوار . بوده نقطه نظره ، طرز تاقی به عائد بر تو جهیدر .
— عقلی قسم قسم آیدرک . بونلره کندکجه برر نام ویردک ،
مقدساتی ییقیدردک ؛ نهایت ذوقی ده بر باد ایتدک ! سنک فکریکه
قالیرسه مقدرات انسانیه نک ناظمی اولان او نورجهان افروزالی الابد
انحسافه محکوم اوله جق دیمکدر . اگر هر کس سنک اعتقادک وجهله
حرکت ایتسه ایدی اوروپا بوکون قرون وسطی و حششتدن قورتیلیمز ،
عقللره حیرت ویرن آثار مدنییه دن بری وجوده کله من ایدی .

— بن سزه آثار مدنییه نی وجوده کتورن عقلک فعالیتنی تعطیل
ایدیکمز دیمدم که بویله بر سوز سوبیلورسکمز . بحشمن وجدانه ،
اعتقاده عائد بر مسئله نک تحلیلانندن عبارت . اومأثری وجوده کتیرمک
ایچون عقلکیزی ، فکریکزی ایتدیکمز قدر قولالانیکمز . حکمت

طاری اولنجه انك اعراض طبيعیه سندن اولان نوبتلر باشلار . قطعا وجودی اولیان موهومات برر حقیقت ثابتہ شکلی آلہرق مریضك دماغ فاسدنی تضییق ایدر . بوتضییق متعاقب دین مبین علیہندہ برطاقم هذیانلر بربری ولی ایلر .

یازق که بعض ساده دللرده بوهرزه لره ، بو هذیانلره سلیم برقفا نك محصول عرفانی . متین بر عقلك زبده اجتهادی نظریه باقیورلر و بو صورتله دنیا و آخرتلینی بر باد ایدیورلر .

عافیت مادییه طاری اولان خللی کوسترمه چك بر مقياس الحراره موجود اولدیغندن آنك سلامتدن انحرافی چابوق اكلاشیلور . کاشکی الیه عافیت معنویه اصابت ایدن خللی ده کوسترمه چك بر مقياس اولایدی ! اوزمان دین مبین حقنده عقل و حکمت نامنه اورتهیه سوریلن یاوه لرك هذیان محمومدن بشقه برشی اولمیدنی بك قولای اكلاشیلیر ایدی . نسأل الله العافی فی الدین والدنیا والآخرة .

فرید

الکیمیائیه

ادبیات دینیہ دن :

زمزمه لایقناہیت

— روزنامہ مدن —

صوک بهار ساکت و پنبہ افشامیلہ طبیعتی سوسله یوردی ، حیات مدنیته کورولتولرندن اوزاق ، وصحرانك برکوشه سنه صیغینمش انزوا کاھندن چیقمدن قیصه ، راطب چنلرك اوزرنده ایلرلده دم ...

روزگار بوسبوتون دورمشدی ،

شمسك آتشین ، بویوك كرمه سی غریبه کسکین ومعین محیطله افقك آل سینہ نه یاصلانہرق ، بولندیغم بردن کنیش سردرا پاره ایله آیرلمش اراضی بعیده اوزرنده دیکله نیوردی ...

اوستمده کی آسمان ، اوکده کی وسیع دکن ، شرق وجنوب افقلینی حدودلایان عالی ، مهیب داغلا ، نهایتلی سیسلر ایچنده غائب اولوب کیدن صحرالر ، حاصلی بوتون طبیعت محیطه درین برسکون مشترکه ، حرمته کار براسغراق خیال انکیز ایچنده آتشی . محترم کونشك ارغوان اشعه واپسینی بلع ایدیوردی .

بیلم نه دن بواقشام ، بنده ده استئنا برحالت واردی . محیطك بوآسود کیستندن ، عظمت وقورندن ، فکرت نازکتریفندن بکاده بویوك برحصه آیرلمشدی . صانکه ، بوآل کونشك کل ضیالری تاروچك ، دماغك اعماقه قدر کیرهرك اوراسنی ده نورلاندیریور ، اوراده ، اندیشه لرك و بعض دیکنلی ، الملی شبهه لرك صالامتی ، سویلنمك ایسته دیکی نیم مظلم کوشه لری تسلیم ساز ودواکار اوقشایوردی .

مفکره مده بروست ، نه ایقنی احاطه و محاکمه دن عاجز اولدیغم منور بروست واردی . وجودم مادیتدن ، آنك قیدلرندن ، آغرافه ن قورتیلور کبی ایدی . آفاق بیسمیه باقدیقه فکرمله ، نظرمله رفاقت ایدرهرك ، آنلری کندیمه ایکی شهبال اثری یاپهرق تا اورالره اوچق ، یوکسلمك ایستردم . سما زرین خطوطله منقش مایه کی وهرشیی ، حتی اکی بویوك المری ، الکسیاه شبهه لری احاطه وغائب ایدره چك وسعت وعظمت بیکرا نیسیله روحی دعوت

طبیعییه ، طبه چالیشوب « نه دیسون » کبی برموجد ، « نه رلیخ » کبی برکاشف اولدیکنزده سزه نیچون اولدیکنز می دیدیلر ؟ حال بوکه چوق کیمسه لر عقللرینی بووادیلرده استعمال ایتیورلر . بتون قوای ذهنیه لرینی موجودیت ملیه مزك رکن رکینی اولان الك مقدس برشیئك هدمنه ، یدقدرتك ایقاد ایتدیکی برنورك اطفاسنه حصر ایدیورلر . فقط امین اولسونلرکه جناب حق آنلرك بومساعیسنه رغماً اووری قیامته قدر سوندیرمیه چکدر .

— بك اعلا اما فعالیتده برچوق قیودك زبونی اولان عقلك نه خیری اولور . عقل تصرفاتنده مطلق اولملی که فعالیتندن منتظر اولان فوائد مادیه ومعنویه حصول بوله بیلسون !

— فوائد مادیه خصوصند ، برشی دیبیم ؛ فقط فوائد معنویه امرنده سزك اعتقادکنز وجهله عقلك اطلاقندن ده برشی اکلایه مام . — نه دیمك ؟ مادام که عقلك کالی آنك انکشافیه قائمدر ؛ تقیید ایستر مادی اولسون ، ایستر معنوی ، بوانکشافه مانع دکلیدر ؟

— اوراسنی بیلم ؛ فقط دین خصوصنده عقله لزومندن فضله فعالیت ویریلیرسه عکسی قضیه تجلی ایدر . یعنی عقل کماله دکل ، بالعکس زواله متوجه اولور . بونك نتیجه سی ده هذیان واریر .

— ایشته اکلایه مدیغم ، اکلایه میه جغم برسوز دها .

— سزه صورارم ، مادام که هرشیئك ازدیاد فعالیتده علی الاطلاق بر فیض ، برکال کوریورسکنز ، شو حالده معیار صحیح عافیتکنز اولان حرارت عزیزیه کزك نیچون اوتوز یدی درجه دن فضله بدرجه یه ارتقاسندن تحاشی ایدیورسکنز ؟ ، نه دن انی ده اوتوز طقوزه ، قرقه طوغری چیقاراجق اسبابه توسل ایتیورسکنز ؟ سزی دائماً اوتوز یدی یی مخافظه یه مجبور ایدن سبب نه ر ؟ چونکه عافیتکنز بونکله قائمدر . حرارت اوج درجه دها یوکسلنجه باشلارسکنز موجودی معدوم ، معدومی موجود کورمکه ! خزینة حافظه کزده مدخر وروابط منطقیه ایله یکدیگرینه مربوط اولان برطاقم کلمات مقراض هذیان ایله شیرازه ارتباطی کسلیلر باشلارسکنز اوکلات آووج آووج اورتهیه سیرمکه ، وزنسز قافیه سز شعرلر تنظیم ، متبداسز خبرسز جمله لر ترتیب ایتمکه !

حرارتکنز اوتوز یدی راده سنده ایکن بوکی احوالك کافه سندن ازاده ایدیکنز . باقیلرسه ینه کندی جنسندن اکا انضمام ایدن ایکی اوج درجه نك بویله عظیم برانقلابی موجب اولماسی حتی عافیتی ، فیض حیاتی ارتدیرمسی لازم کلیر ایدی . حال بوکه بو تزایدله امر برعکس اولدی . حرارت بدرجه دها یوکسله چك اولورسه نور حیاتکنز بسبتون سونه چك ، یوزیکز دنیادن آخرته دونه چك ! ایشته بو انقلاب عظیم طوبی طوبی اوج درجه نك تأثیر فسونسازی در .

طبقی بونك کبی عافیت معنویه ده سزك فعالیت عقلیه نامنی ویردیکنز شیئك (باخصوص اعتقادیاتده) شرع شریف ایله معین اولان درجه استقراریه قائمدر . عقلك اودرجه دن انحرافیه درحال مزاج معنوی یه انحراف طاری اولور . مزاج معنوی یه انحراف